

力
孝
編



831905

勸孝編



光緒己亥秋
梓行板藏
諸暨公善堂

勸孝編序

古之教者人倫爲重蒙養爲先降及後世士風壞教術尤壞師傅以工帖括爲成效生徒以獲科名爲卒業而所謂人倫之道蒙養之功恕焉莫講是誰之責與友人郭君子欽怙恃早失風木恆悲而因以嗟習俗之誤人古道之日廢爰取

文昌孝經一書編次之闡註之援昔以證之作歌以揚之都爲二卷稿旣成乃署其籤曰勸孝編以示余余惟孝之感人也易而感人於蒙學也更易夫感斯

勸孝編

序

謂善勸勸斯謂善教師道之立其在是乎今夫成人爲私欲所蔽或不免於習錮之難回至若童子知識甫開天真未鑿爲之師者正可持是以訓之務使無日不讀孝經之言無日不講孝經之事并無日不默行孝經之意庶幾口於斯心於斯身於斯少成若性焉老而不衰焉淵源授受易人弗異易世弗替懿哉培元氣昌正學胥於是乎在矣或謂教道多端六經四子之書釐然已備何復需此不知六經四子無一不以孝爲本原是經大而綱常名教小而日用細微

亦無一不從孝理而推六經四子義實精奧解悟者
鮮是經悱惻動人明白易曉讀者求其理卽易解悟
夫六經四子之理六經四子正宜得是經以爲入門
之階級也而又可緩乎總之聖功基由蒙養蒙養端
在明倫倫理明而師道始立軌近已來經師蒙師何
處無之而能留意於根本之地者幾何人與幾何人
與噫所望秉鐸諸君子共爲之鼓舞云

光緒庚子春月同邑沈鳴謙謹序

勸孝編

序

二

孚佑帝君呂祖降筆序

郭子子欽企重孝道乃成勸孝編一書爲童蒙
啟蔽提撕警覺使人倫明而教化敦則人人親
其親長其長矣

華君屬吾吾亦欣諾純陽子揮此筆以記賞鑑

時

光緒二十七年辛丑二月朔二十有二日降於諸暨

城西之學舍

勸孝編

序

一

勸孝編題辭

郭子謹錄文昌孝經畢悽然而有辭曰甚矣孝之感
人深也余自年十九喪母又七年喪父而後乃得見
是經於殘蠹零棄之中其言簡而明其理質而至反
覆流連涕汗交下遂日誦之不敢輟嗟乎生不盡歡
追思何及余旣見此恨晚而因慮是經之傳之渺世
之抱恨如余者將復不少也爰蓄而有勸課蒙學之
計折爲離句便誦讀也詮其節次醒眉目也採列古
人凡十二孝闡經旨也各譜歌辭凡五十則冀感發
勸孝編

題辭

也越一歲而稿脫爲光緒己亥夏五月疇余之感深
矣後之人有不余譏而欲培其子弟者持是編也可
與讀可與講可與歌庶及童眞未鑿早使感余之感
而必不至抱余今日之恨也則豈獨區區私衷所爲
厚幸無窮者與梧湖居士自題

其辭敘盡盡善盡美之中其言簡而明其理質而至反
覆流連涕汗交下遂日誦之不敢輟嗟乎生不盡歡
追思何及余旣見此恨晚而因慮是經之傳之渺世
之抱恨如余者將復不少也爰蓄而有勸課蒙學之
計折爲離句便誦讀也詮其節次醒眉目也採列古
人凡十二孝闡經旨也各譜歌辭凡五十則冀感發

例言

孝先百行蒙基聖功崇本正始爲師儒講學第一義
孝經六章言簡理賅又爲蒙學教孝第一書茲編意
主便蒙兼思化俗注傳詞辭都從明淺亦復不敢有
乖雅則

三教同源幽明一理此未易爲淺儒道已謹按文昌
原文俱有偶呢相間四章末章又多冥語有心者誠
難割愛圍眼人輒復滋疑不經刪定奚示通行茲遵
前明邱氏刊本並已節刪完善庶使雅俗皆宜智愚
勸孝編
例言
一
同覺

詮釋文昌孝經始於前明邱文莊公滄遞乎國

朝有桐城吳氏祥符徐氏武邑林氏諸家惟邱注最
精吳注僅列史案徐氏旁訓頗稱鼓吹林氏全詮原
文偈呢博而寡要說亦互異矣茲編折衷邱徐益之
管見概弗標明舊注姓氏意近掠美體昭畫一識者
諒之

邇今乳臭子便工劣習風化日降知將胡底竊謂挽
回風化之機不在君相而在師儒不在經生在塾童

耳惟按孝經舊冊鄉無分節離句刊式雖資飫觀未
便蒙學非善本也茲編釋經演詞變例從新總以推
闡義理覺誘塾童爲主視彼千文百姓等書其所獲
益故當倍蓰教之之責重在師傅慎旃勉旃

勸孝編

例言

二



勸孝編卷之二 青蓮寺勸孝編前錄

義理覺誘塾童爲主 視彼千文百姓等書其相

益故當倍蓰教之之責重在師傅慎旃勉旃

耳惟按孝經舊冊鄉無分節離句刊式雖資飫觀未

蒙館條約 附

一凡童蒙來學宜先教以正衣冠謹言語端步趨及認字寫字卽言其字之大意如說話一般至讀書背書聲音宜明亮不可太快

文昌師道寶訓

一孩童開蒙宜徐徐教導不可任意撲責蓋血氣未定知識未全所貴乎循循善誘也

願體集

一每日工夫先考德次背書誦書次習禮或作課倣次復誦書講書次歌詩凡習禮歌詩之類皆所以常存童子之心使其樂習不倦而無暇及於邪僻

勸孝編

蒙館條約

教者知此則知所施矣

王陽明夫子教約

一每日清晨諸生參揖畢師以次徧詢在家所以愛親敬長得無懈怠否溫清定省虧缺否往來步趨放蕩否一應言行心術得無欺妄非僻否諸生務要各以實對有則改之無則加勉師復隨事曲加誨諭然後就席肄業

同上

一授書不在徒多但貴精熟量其資稟能二百字者止可授一百字常使精神有餘則無厭苦之患聰明日開矣

同上

一習禮須要澄心肅慮審其儀節度其容止毋忽而倚毋沮而作毋徑而野每學分爲四班每開一日則輪一班習禮餘皆就席斂容肅觀習禮之日免其課做每十日則總四班遞習之同上

一歌詩必取其有關名教者須要整容定氣清朗其聲音均審其節調毋躁而急毋蕩而囂毋餒而懽每學分爲四班每日輪一班歌詩餘皆就席斂容肅聽每五日則總四班遞歌之同上

一誦書宜設籌記數每讀幾遍令繳一籌則書之遍

勸孝編

蒙館條約

二

數得實不致虛冒一益也按期令繳遲則便可催督之二益也且籌不容不繳則學生自然勤讀以早完課程三益也唐翼脩先生善誘法

一溫書宜作標記不作標記多溫少溫淆亂無稽書之不熟皆由於此且有子弟避難就易溫其熟者置其生者也同上

一講書宜專講其淺近者并宜將所講書義盡證以日用常行之事庶幾能領會能記憶同上

一開筆爲文但宜隨其立意略與通順氣脈字句極

能長發才思切勿拘題理而盡改之 同上

一書法與執筆宜講明也切音與平仄宜調習也經書之註節讀宜有法也 同上

一宜嚴於背誦不許差落一字尤戒強記強記之故由於貪多一二月之後差落異常矣 小學章程

一子弟八九歲稍有知覺卽宜開講小學雖每日自有講書正課然宜檢出一二條與他講究凡前賢故事及家訓格言果報等書俱好然須覆講 同上

一精選古今名人勸孝詩多則五六十首少則二三

勸孝編

蒙館條約

三

十首初講字面繼講意義使之朝吟夕誦以觸發其天良 同上

一子弟雖幼必使知敬惜字穀愛護書籍稍有褻蔑卽宜誡諭又凡大小便後必命潔手然後開卷 同上

一塾中須常懸 聖像俾學徒朝夕焚香致拜或懸天地君親師五大字朝夕作揖亦可 同上

一到塾時先於聖前先生前謁禮然後輪流灑掃整几拂案讀書聽訓須寂靜無譁不得多言喧鬧坐立尤須端正切戒歪斜 同上

一晚歸必令向父母兄長伯叔姑孀前作揖告歸無
父母者亦向家堂祖先位前作揖同上

一教徒更宜加意者寡婦之子單傳之子及乃父本
不識字而勉力讀書之子同上

一寄膳生徒亦宜留心蓋子弟在家內有父母外有
兄長俱得管束至於出則種種託之先生一出
一入學徒之成敗係焉豈可不刻刻防閑同上

一子弟讀書有初則艱於上口後則漸有會心者切
勿因其質鈍而棄之同上

勸孝編

蒙館條約

四

一教徒又宜相體裁衣在其家爲功名計者固宜多
讀經書至有三五年後卽要經管家務或改業者
宜每日多限字課令習雜字簿以至信札帖式算
法諸事均可教之資其實用惟謹守家規與嫻習
禮數則士農工商無二理也同上

一教徒須如教子一般每日自問教子盡心教徒亦
能盡心否庶乎不欺同上

一宜設立冊簿一本登記生徒姓名功課及平時功
過賞罰之類同上

一每年須將到館日期逐日登記總之多坐幾日方是體貼人情同上

一教人之法無他要具一副肝腸苦心細心平心而已不苦心則失之閒玩不細心則失之粗疎不平心則失之躁怒自己未能變化氣質安能引導童蒙手中桂

一賓師之位尊無二上宜端其品敦其行相觀而善子弟克繩切勿狂蕩嬉戲自壞模範貪圖銅臭背

違道心文昌黨塾論

勸孝編

蒙館條約



[Faint bleed-through text from the reverse side of the page, including characters like '勸孝編' and '蒙館條約']

勸孝編目錄

卷上文昌孝經

育子章第一

體親章第二

辨孝章第三

守身章第四

教孝章第五

孝感章第六

卷下十二孝詞辭

勸孝編

目錄

感格之孝第一 四則

娛養之孝第二 三則

守身之孝第三 四則

顯揚之孝第四 二則

繼述之孝第五 二則

處變之孝第六 七則

親睦之孝第七 四則

推暨之孝第八 五則

侍疾之孝第九 四則

沒後之孝第十 五則

垂裕之孝第十一 四則

婦孺之孝第十二 六則

勸孝編

目錄

二



勸孝編
目錄
一
二
三
四
五
六
七
八
九
十
十一
十二

勸孝編上

諸暨柘湖居士輯

文昌孝經

育子章第一

乾爲大父 坤爲大母 含宏覆載 化育萬有

羣類咸遂 各得其所 賦形爲物 稟理爲人

超物最靈 脫離蠢劫 戴高履厚 俯仰自若

相安不覺 失其真性 父兮母兮 育我者宏

兩大生成 一小天地 世人不悟 全不知孝

勸孝編

卷上

吾今明闡 以省大眾

此下方
是訓語

乾坤養物 勞而不勞 父母生子 不勞而勞

自妊及字 自幼迄壯 心力所注 無有休歇

數語總括
以下分疏

十月未生 在母胎中 母呼亦呼 母吸亦吸

就娠如山 筋疼血滯 寢處不舒

此懷胎
之苦

臨盆性命 若不自保 父心關惻 母體擔虞



縱令易誕

費盡勞苦

若或遲久

不行分娩

艱難震恐

死中幸生

幾舍其母

始獲其子

此臨盆之危

一月暗居

三年乳哺

啼卽懷抱

猶恐不調

睡令安寢

戒勿動搖

含食以飼

貼衣以裹

諒其飢飽

適其寒暑

痘疹關煞

急遽驚悸

伊唔解語

匍匐學行

手不釋提

心不釋護

此撫育之艱

子年既長

恐其不壽

多方保持

幸而克祐

勸孝編

卷上

二

籌畫有無

計其婚媾

厥齡方少

諸務未曉

一出一入

處處念之

綢繆咨嗟

諄諄戒命

親心惆悵

子方燕樂

教之生計

教之成業

母誕惟艱

父誨非易

此言教養兼至

雖至英年

恤若孩提

食留子餐

勝如己餐

衣留子衣

勝如己衣

子若有疾

甚於己疾

有可代者

己所甘受

此不保身者當念

子若遠遊 行旅風霜 夢寐通之 踰期不歸

晴裂腸斷

此好遠遊者當念

子有寸善 誇揚樂與 子有小過 回護遮蓋

暗自傷心 恐其名敗

此言人子一事善惡亦關親心憂喜

子惟賢能 父母有賴 子若不肖 父母誰倚

子若妄為 父母身危

此言人子一生賢否實關親身安危

勸孝編

卷上

三

作事未事 俱切親情 芽栽茁培 堂基構植

母勤子生 父作子述 其行其志 不厭其苦

憐子念子 何時放置 形或暫離 心恆無間

此承上文言父母於子自奇至長無時不望其成立為善賢人

貴如帝王 神如天童 顯如公卿 賤如編戶

愚如齊民 皆如是心 窮達愁樂 存沒明幽

皆如是心 混沌初分 亘古及今 普天匝地

絲絲惻怛 父母之心 無不如是

此總結上文言父母愛子之心不以貴賤智愚窮達愁樂幽明之隔古今之遙而有異也

如乾覆物 如坤載物 和藹流盈 充塞兩間

莫大慈悲 無過親心

此迴應章首言父母
育子之恩同於天地

體親章第二

前章所言 不止育子 直將子心 親曲體之

凡為人子 當以二親 體我心者 還體親心

體我此身 骨稟父生 肉稟母成 一膚一髮

或有毀傷 親心隱痛 子心何安 心爲身主

太和蘊毓 父兮所化 母兮所育 一有不孝

勸孝編 卷上 四

失親本來

提出心字言
體親之本

孝先百行 根從心起 定省溫清 時以敬將

提出敬字言
體親之法

每作一事 思以慰親 每發一言 思以告親

入承親顏 親歡我順 親愁我解 出必告親

恐有惡行 以禍親身 歸必省親 恐有惡聲

以拂親心 力行戒慝 隨時加惕 口業不干

身業不作 恐有意業 欺親欺身 恐有心業

累身累親

此下推廣言之共有十六層祇完得一體字

我有手足 父母一體 異母兄弟 總屬天倫

恐有參商 殘親支體 叔伯同根 宗族一家

恐有乖戾 傷親骨肉 祖曾上人 恐失奉事

悖親孝思 子孫後裔 恐失字育 斷親嗣脈

恐失教訓 敗親家規 子姪世系 恐失敦睦

貽親庭豐 我夫我婦 子媳之職 恐失和敬

致親不安 我有姻婭 屬親至戚 恐失夙好

勸孝編 卷上 五

致親不甯

此言至親同氣一
一體之纔是真體

上而有君 為親所主 恐有不忠 致親以逆

下而民物 與親並育 恐有不恤 損親之福

外而友朋 為親之輔 恐有不信 絕親友道

師為我法 即為親箴 事恐失賢 以違親訓

匪人壬人 親之所遠 交恐不擇 以累親志

此言非親同氣而
亦體之體之至也

仰而天高 帝位乎上 日月星斗 親所敬畏

恐有冒瀆 妄干天怒 致重親辜 俯而地厚

羣生資始 親所奉履 恐有褻侮 業積暴殄

致延親禍 中而神祇 司我親命 恐有過犯

致滅親紀

此言自親而天地神祇曲為體之方是體之極處

一舉一動 總期歸善 以成親德 我親有善

身順其美 救人之難 卽是親救 濟人之急

卽是親濟 憫人之孤 卽是親憫 容人之過

卽是親容 種種不一 體親至意 親或有過

勸孝編 卷上 六

委曲進諫 俟其必改 以善規親 猶承以養

養必兼善 方得爲子 人各有親 何不懷思

父母在日 壽不過百 惟德之長 垂裕靡涯

是以至孝

惟歸善成德方爲至孝此處一結

親在 一日 得養 一日 堂上 皆存 膝下 完聚

人生 最樂 惜此 光陰 誠不 易得 玉食 三般

勺水 一菽 各盡 其歡 加餐 則喜 減膳 則懼

貧富 豐嗇 敬無 二心

此言當生
則盡養

願親常安 恐體失和 疾病休戚 常係子心

一當有恙 能不滋虞 藥必先嘗 衣不解帶

服勞侍寢 愈則徐調 食不輕進 相其所宜

倘或未痊 延醫詢卜 酒不沾唇 至心禱祝

殫厥念力 以求必痊

此言當病
則盡心

終天之日 飲食不甘 哭泣失音 衣衾棺槨

多方自盡 三年哀痛 晨昏設薦

勸孝編

卷上

七

此言當喪
則盡哀

佳塋厚穴 安置壟邱 禮送歸祠 親魂有託

此言當葬
則盡禮

廟享墓祭 四時以妥 去親日遠 追思常在

形容面目 若聞若睹 動息語默 尋聲覓跡

中心勿忘 抱慕如存

此言當祭
則盡誠

生死同情 幽明一理 孝道由基 大經斯彰

此承上五節言盡孝
者無間生死幽明

嗟爾人子 縱能如是 體之親心 未及萬一

此迴應章首言體親者未可自謂盡心

子在懷抱 啼笑嬉戲 俱關親心 實爲眞摯

爲人子者 能如是否 試一念之 何能暫釋

此申明上文言人子一念親恩自當及時行孝也以下分疏

父母強健 能嬉能笑 能飲能食 子所幸見

此言強健時不可忽略知幸則知體親矣

父母漸衰 嬉笑飲食 未必如常 子心所惕

責我不楚 憐親力弱 嗔我聲微 憐親氣怯

勸孝編 卷上 八

愈加安養 勿致暫勞

此言衰老時尤宜加謹知惕則知所以體親矣

父母謝世 苦無嬉笑 及我顏色 苦無怒詈

及我身受 縱有厚祿 親不能食 縱有錦帛

親不能衣 生不盡歡 追思何及

此言沒後追思不如生前盡養以下極形之

逝者念子 存者念親 祭享悠遠 隔不相見

思一慰之 悲哀無地 言念斯苦 實難爲子

吾今闡教 以示大眾 親存不養 親歿不葬

親祚不延 無故溺女 無故殺兒 父母客亡

骸骨不收 爲大不孝

此皆大不孝之事無庸辨者也

養親口體 未足爲孝 養親心志 方爲至孝

生不能養 歿雖盡孝 未足爲孝 生既能養

歿亦盡孝 方爲至孝

此爲世俗人辨孝

生我之母 我固當孝 後母庶母 我亦當孝

勸孝編 卷上 九

母或遇黜 母或再嫁 生我勞苦 亦不可負

生而孤哀 恩育父母 且不可忘 何況生我

此爲處變者辨孝

同母兄弟 我固當愛 異母兄弟 我亦當愛

同氣姊妹 我固當和 連枝妯娌 我亦當和

我生之子 我固當恃 前室遺子 我益當恃

眾善家修 無不孝推 如是盡孝 始克爲孝

此爲執一者辨孝先於家人明所當推和恃二條兼婦女說

始知百行 惟孝爲源 我孝父母 不敬叔伯

不敬祖曾 於孝有虧 我孝父母 不愛子孫

不敦宗族 於孝有虧 我孝父母 不和姻婭

不睦鄉黨 於孝有虧 我孝父母 不忠君上

不信師友 於孝有虧 我孝父母 不愛人民

不惜物命 於孝有虧 我孝父母 不敬天地

不敬三光 不敬神祇 於孝有虧 我孝父母

不敬聖賢 不遠邪佞 於孝有虧 我孝父母

財色妄貪 不顧性命 知過不改 見善不為

於孝有虧 淫人婦女 破人名節 於孝有虧

勸孝編 卷上 十

力全名節 於孝更大

此由家而推之益廣見人道有虧即為不孝

奉行諸善 不孝我親 終為小善 奉行諸善

能孝我親 是為至善

此結上文言所推眾善以孝為本

孝之為道 本乎自然 無俟勉強 不學而能

隨行而達 讀書明理 因心率愛 因心率敬

於孝自全 愚氓愚俗 不雕不琢 無乖無戾

孝理自在 苟具靈根 知愛率愛 知敬率敬

於孝可推

此言孝本天性智愚同具

孝庭子容

孝壺婦儀

孝男端方

孝女貞靜

孝男溫恭

孝女柔順

孝子誠懇

孝婦明潔

孝子開先

孝孫承後

此言孝有實功假飾皆非

孝治一身

一身斯立

孝治一家

一家斯順

孝治一國

一國斯仁

孝治天下

天下斯昇

孝事天地

天地斯成

通於上下

無分貴賤

勸孝編

卷上

十一

此通言其效

守身章第四

所謂孝子

欲體親心

當先立身

立身之基

貴審其守

無身之始

身於何始

有身之後

身於何育

有挾俱來

不可或昧

此言守身為體親之要身自親來天性之良實與俱來貴審在此

當思在我

設處親身

愛子之身

勝於己身

辛勤乳哺

望其萌芽

冀其成材

寸節肢體

日漸栽培

何一非親

親自勞苦

得有此身

親愛我身 如是之切 保此親身 豈不重大

守此親身 尤當倍篤

此從親心看出身之重大益見守身即是體親

遵規合矩 如前所爲 矜驕不形 淫佚不生

嗜欲必節

此括身心言守之功首二句指體親章

父母之前 聲不高厲 氣不粗暴 神色溫靜

舉止安詳

此就親前言守之用

勸孝編

卷上

三

習久自然 兢兢終身 保此親體 無虧而歸

是爲守身

此貫終身言守之全

苟失其守 塊然軀殼 有負父母 生而猶死

此就義理上說卽下守眞守心的意言人苟滅天性雖軀殼無恙猶之死也不守之罪如此

抑知人生 體相完備 卽有其神 每日在身

各有處所 一身運動 皆神所周 神在臟腑

欲不可縱 神在四肢 刑不可受 縱欲犯刑

非傷卽死

此就血氣上說卽下守形的意言人苟斷元神雖心無大惡亦致死傷不守之害如此

凡有身者 所當守護 守眞爲上 守心次之

守形爲下

此承上文分作三等爲守身法

愚夫匹婦 無所作爲 亦足保身 何爾聰明

奸僞妄作 昧性忘身 沈溺欲海 全不省悟

此以愚者所能責智者暴棄可知守身不難盡人當爲

大羅天神 觀見斯苦 發大慈悲 降生聖人

以時救度 惟茲聖人 躬先率孝 加檢必謹

勸孝編

卷上

三

加恤必至 不忍斯人 墮厥親身 一切裁持

遂其所守 種種孝順 當身體物 體在一身

化在眾生 俛茲凡有 同歸於道 身居不動

肆應當普 如是守身 是爲大孝

此總結守身爲孝之意言外見 帝君本願

教孝章第五

孝自性具 教爲後起 世多不孝 皆因習移

愚既罔覺 智又誤用 聖人在上 惟教爲急

教之之責 重在師傳 尤當慎擇 賢良之師

化惡爲善 不賢之師 變善爲惡 師而不教

過且有歸 教之不善 其罪尤大

此言人之善惡視乎師之賢否下文分疏之

不賢之師 導之匪僻 引之邪佞 養成不肖

流爲凶頑 越禮犯紀 妄作無忌 雖欲救之

急難格化 如是爲教 罪實非輕

此變善爲惡其罪歸師

藥石之師 惟賢是與 行己端莊 導人忠信

教不他設 孝無疇行 因其本然 還所固有

勸孝編

卷上

十四

朝敦夕誨 幼育長循 惟茲孝弟 化行是先

雖至愚氓 無不曉習 如是爲教 功實不少

此化惡爲善其功歸師

爲功爲罪 職豈易任 惟名尊嚴 其實如何

孝弟是宗 能孚孝者 弟亦本諸 助君爲理

轉移風俗 全在師儒

此責備師傳語

教不可誤 師不可違 自重任師 率教在弟

孝原自具 有覺斯興

此責備
學者語

孝感章第六

不孝之子 百行莫贖 至孝之家 萬劫可消

不孝之子 天地不容 雷霆怒旆 魔煞禍侵

孝子之門 鬼神護之 福祿畀之

此總言孝與不
孝皆有感應

惟孝格天 惟孝配地 惟孝感人 三才化成

惟神敬孝 惟天愛孝 惟地成孝

孝配三才
此以理言

勸孝編

卷上

五

水難出之 火難出之 刀兵刑戮 疫癘凶災

毒藥毒蟲 冤家謀害 一切厄中 處處祐之

孝有百感
此以事言

孝之所至 祖宗積愆 悉皆消滅 父母沈疴

卽時痊愈 是以斗中 有孝弟王 下有孝子

光耀乾坤 精貫兩儀 氣協四時 和徧九域

星斗萬象 莫不咸熙 神行河岳 海波不揚

遐荒是奠 遠邇均孚 孝之爲道 功德普徧

此言感
之極處

夫人之生 養親有缺 且難爲子 何況世人

毀罵父母 腹誹父母 親且毀罵 毆叔詈伯

慢君陵師 無所不爲

此言不孝者根本既虧諸惡從生

子在懷抱 氣不忍吹 及其長也 愛之者真

訓之者嚴 以愛子心 用之撻楚 撻亦是愛

嗔亦是愛 卽有盛怒 子惟柔順 欲再杖時

手不能下 何爾世人 拒親責己 如抗大敵

天怒地變 豈容大逆

勸孝編

卷上

六

此言不孝者良心已絕天罰必至

子有病厄 親處不安 何於親疾 絕不關心

親憂子疾如此人子當以此憂親

子有勞苦 親關痛癢 何況我體 犯法極刑

親愛子身如此人子當以此自愛

子苟不育 淚不曾乾 冀其重生 傷入七情

何爾世人 父母終天 未及三年 思慕中衰

親思亡子如此人子當以此盡思

祭享失時 親骨不葬 且干不孝 何爾世人

貧發親冢 賣穴暴露

此為妄改 親冢者言

嗟爾父母 念念及子 何爾世人 凡事用心

獨於父母 有口無心 不肯實為

此為久停 親極者言

人之一身 諸般痛楚 何處可受 何爾化外

火焚親屍 全無惻隱 美名火葬 於心最忍

夫人之死 口不能言 肢體難動 心實未死

猶知痛苦 過七七日 心之形死 其形雖死

勸孝編 卷上 七

此心之靈 千年不死 火焚而熾 碎首裂骨

燒筋炙節 立時牽縮 心驚肉跳 若痛苦狀

俄頃之間 化為灰燼 於人且慘 何況我親

此斥火 葬之非

誦是經者 各宜省悟 苟無父母 烏有此身

報恩靡盡 銜慈莫極

勸孝編下

諸暨柘湖居士著

十二孝詞辭

感格之孝第一

虞舜大孝格天

舜虞帝也姓姚父曰瞽瞍性頑母握登氏早
亡有後母生弟曰象性傲相與其譖於父日
以殺舜爲事嘗使完廩去梯縱火焚廩舜以
兩笠自扞而下又使穿井從而掩土舜爲匿

勸孝編

卷下

空旁出俱得免雖屢瀕死而孝愈篤絕無怨
懟心惟往田號泣負罪引慝爲不順於父母
如窮人無所歸久之瞽瞍亦悅一家感化天
下聞之莫不俱化嘗耕歷山象爲之耕鳥爲
之耘陶於河濱器不苦窳天意人心並格其
孝一年而所居成聚二年成邑三年成都厥
後堯禪以位世稱大治

大舜爲大孝其孝能格天有父名瞽瞍偏聽後母言
有弟後母生險惡更無邊其爲不良計日欲殺舜焉

初使修高廩將火從下然繼使穿深井將土從後填
此身幸得脫此心終難安負罪自引懸號泣往于田
不敢違親意但願悅親顏親顏雖難悅久久亦生憐
一家漸感化四海稱其賢帝堯有二女釐降媯汭間
徵庸歷年久遂將帝位傳皞皞德施普拂拂南薰絃
能致民物和以養父母歡古云天子孝於斯亦完全

曾子至孝體親

曾子名參孔子弟子周時魯之武城人性至
孝事親必有酒肉將徹必請所與問有餘必

勸孝編

卷下

二

曰有蓋以養親之志焉嘗從孔子於楚而心
動辭歸問母母曰思之故嚙指孔子聞而歎
曰參之至誠也精感萬里

孔門有曾子養親稱至孝食必供酒肉溫而見容貌
食後收殘羹稟請尤周到或以與兒童或以歸厨竈
父母或有問此物恐已耗曾子體親心必將有餘告
親欲有頒分不妨隨所好今之養親者任意多違做
美味雖滿前親心無樂笑何弗觀曾子體親入微妙
身雖隔萬里心亦相感召如此孝其親親恩始可報

吳璋全孝忘軀

吳璋明吳江人幼失怙母陸氏守節永樂癸卯詔選天下孀婦給事內廷陸亦以例行已而隨親王封廣東韶州復徙至江西饒州璋旣壯棄家訪母初赴韶復轉而奔饒日行沙磧中足盡裂夜卧野寺有道人自言姓焦取藥敷之愈旋中蛇毒仆地又遇道人救甦行宿孤村寡婦家方登榻婦自薦璋力拒之出門遇大雪又見道人來撫之曰爲母忘軀若

勸孝編

卷下

三

是真鐵漢因出餅與啖頓忘飢寒至饒則母已病篤璋焚香籲天刲股作糜以進母漸甦抱璋痛哭王聞而賢之召賜金帛命扶母還未幾卒於旅舍乃負母骨以歸渡鄱陽湖中流風浪起舟將覆同舟人搜得其母骨投之湖璋大哭躍水抱骨浮沈湖中忽有旋風吹入蘆葦登岸得不死回視前舟無一生矣遂徒步歸葬其子洪及孫山俱官尙書諱年八十一贈太僕寺卿世稱全孝

吳江吳孝子爲母忘其軀阿母早守寡孝子幼而孤
忽奉天子詔選入內廷趨轉徙至九江音訊從此疎
阿母客異地孝子在空中廬孝子念阿母哀感復歔歔
歔歔將何爲棄家尋母居東西數千里勞碌奔窮途
足繭盡開裂飢餓肝腸枯辛苦得見母母病已含胡
孝子憐阿母生子不如無焚香求天帝割股調藥鑪
一服母疾減再服母命蘇主人謂孝子將母歸東吳
無何阿母死孝子泣路衢一身負母骨行過鄱陽湖
湖中風浪起同舟皆號呼索我阿母骨謂是多穢汗
勸孝編

卷下

四

取骨投湖水風浪可卽除孝子救阿母一躍與之俱
骨沈孝子沈骨浮孝子浮回視同舟人淹沒無一餘
母子得登岸歸葬山之隅人生會有已天意亮何如
穎考叔純孝錫類

穎考叔周時爲鄭潁谷封人鄭莊公因弟叔

段之亂寘母姜氏於城潁而誓之曰不及黃

泉無相見也考叔聞之有獻於公公賜之食

食舍肉公問故對曰小人有母皆嘗小人之

食未嘗君之羹請以遺之公曰爾有母遺繫

我獨無因語之故且告之梅考叔曰君何患焉若闕同地及泉隧而相見其誰曰不然公從之遂爲母子如初左氏曰潁考叔純孝也愛其母施及莊公詩云孝子不匱永錫爾類其是之謂乎

鄭君怨其母有母自棄遂誓不再相見待親一何毒我既孝我親君心當感沃君方賜我食我食且留肉留肉將奚爲實爲母所欲鄭君得聞之心中有感觸謂爾待母孝我罪將難贖從此迎其母孝心亦漸篤

勸孝編

卷下

五

惟孝乃感君感君且神速誰能爲此事封人潁考叔
娛養之孝第二

老萊子戲綵娛親

老萊子周時楚人行年七十身著五色斑斕之衣爲嬰兒戲以娛其親又嘗取水上堂詐跌仆地作小兒啼弄雛親側務求親悅躬耕不仕楚王聞其賢請以爲輔老萊子乃遁迹江南與妻偕隱後不知所終

君看老萊子年老猶孝順行年七十餘爲親解愁悶

身著五色衣斑斕如童齷口作小兒啼宛轉相依近
百端娛雙親常恐親心恨終身慕父母於古比大舜
子路百里負米

子路姓仲名由孔子弟子周時魯之卞邑人
孝事二親家貧嘗食藜藿之實爲親負米百
里之外親沒之後南游於楚積粟萬鍾累茵
而坐列鼎而食乃歎曰雖欲食藜藿爲親負
米不可得也孔子曰由也事親可謂生事盡
力死事盡思者

勸孝編

卷下

六

親在力不竭親亡思不悲雖有孝子名於孝終有虧
惟昔仲子路盡力又盡思口食藜藿實身往百里馳
負米爲養親養親苦無資厥後親已沒家道漸豐肥
倉中多紅粟笥上疊錦衣富貴復何用亡親不可追
念之雙淚落使我心悲摧持勸養親者養親當及時

李瓊養親嗜欲

李瓊杭州仁和人幼孤家貧事母孝鬻繒爲
業家稍裕娶妻有子卽移居母之室夜常十
餘起母每諭曰汝年來筋力頗憊盍以婢給

侍我瓊曰母之所欲不親於手意如有失市
人知瓊孝每物新出必先奉瓊瓊倍酬其價
或問之瓊曰冀誘其旨滑以奉母豈議價耶
淄人張用聞其孝與小鄰而居

家住杭州城販繒以爲生李瓊孝其母奉養見至誠
夜常十餘起伴母心兢兢阿母謂阿瓊汝力恐難勝
盍以婢侍我勿復勞汝形瓊也長跪告夜夜有五更
事不經兒手誰知阿母情母喜時新食留意早經營
市人知此意悉索來戶庭瓊也厚酬價一市皆驢稱
勸孝編

卷下

七

非云金如土爲母養餘齡

守身之孝第三

樂正子春傷足有憂

樂正子春周時魯人嘗下堂而傷其足數月
不出猶有憂色弟子曰夫子之足瘳矣猶有
憂色何也子春曰吾聞諸曾子曰天地之間
惟人爲大父母全而生之子全而歸之可謂
孝矣不虧其體不辱其親可謂全矣故君子
頃步而不敢忘孝今吾忘孝之道是以有憂

色

子春姓樂正嘗從曾子游偶然傷一足閉門自責尤其徒前進問夫子疾已瘳疾瘳且數月何爲長懷憂子春相告語吾意良有由毀傷吾肢體是貽吾親羞保全至終身是乃孝子傳孝子心兢兢頃步未敢休吾欲盡孝道舍此復何求

辛復元立志爲善

辛復元明山西人崇禎閒事親以孝聞克誠克敬動無違禮嘗曰人子試思何如可以貽

勸孝編

卷下

八

父母令名不貽父母羞辱則自家一念自不敢苟一言自不敢苟一事自不敢苟然一念不敢苟一言不敢苟一事不敢苟止可不貽父母羞辱若欲貽父母令名則不容不孳孳爲善惟日不足矣自家是禽獸父母是禽獸的父母自家是小人父母是小人的父母自家是庸人父母是庸人的父母自家是賢人聖人父母是賢人聖人的父母猛然一省雖欲不修其身必不忍矣嘗至京大學士賀文

忠公慕其爲人卽肅衣冠往拜謁
君且聽我歌我歌辛子語辛子山西人事親敦古處
謂我欲盡孝修身以爲主我身有令名令名我親取
我身有羞辱羞辱我親苦身若同禽獸或與小人伍
可憐我父母枉自勞哺乳身苦爲善人或爲聖賢侶
可喜我父母何等自誇詡辛子有此言此言出肺腑
我歌與人聽事親良有補

茅坤非禮勿犯

茅坤字鹿門明歸安人嘉靖閒官至副使少

勸孝編

卷下

九

時嘗遊學餘姚錢氏書館錢有婢慕其清才
夜奔之坤正色曰父命我遠出讀書若非禮
犯汝他日何以見我父又何顏見汝主堅持
不可婢慚而退

士人當知禮知禮在守身非禮難爲士失身難爲人
以此言孝道古有茅鹿門讀書錢氏館婢夜來奔
鹿門謂此婢男女有人倫我若犯非禮辜負我親恩
汝若犯非禮便遭汝主瞋拒婢令速去速去勿因循
淫爲惡之首實爲禍之因身是親遺體禍身卽禍親

所以古孝子守身如寶珍

陸容詠詩符夢

陸容字文量明太倉人天順閒應試南京年纔十七館人有女善吹簫夜奔容容以計給之退乃詠詩曰風清月白夜窗虛有女來窺笑讀書欲把琴心通一語十年前已薄相如遲明託故去後接其父家書云夢郡守送旌匾匾題月白風清四字父以爲月宮之兆作書告之計示夢卽容詠詩之夕也是秋果領

勸孝編

卷下

十

鄉薦仕至參政

陸容年十七赴試南京城館人有女子吹簫最多情多情如卓女自通馬長卿陸容雖年少相拒勿相迎詠詩以見志語語出至誠是夜其父夢匾額見分明分明詩中語月白與風清千里父書到一夢卜前程是秋領鄉薦雙親得顯榮世人稱其孝孝在守吾貞貞不犯淫色無忝父母生

顯揚之孝第四

王溥朝服侍父

王溥字齊物宋祁縣人官宰相以孝聞其父
名祚每有賓客溥常朝服侍立客坐不安席
祚曰狔犬不足爲起太宗朝晉溥爲祁國公
卒諡文獻

王溥字齊物爲官至相國相國孝於親親前盡子職
居常必恭敬朝服侍父側父當見客時客起爲避席
阿父大撫掌撫掌笑謂客此吾狔犬兒何足拘形迹
聞者皆稱羨云是顯揚力顯揚事尙多孝敬最難得
君看世上人待親多違逆名則爲顯親親心反憂抑
勸孝編

卷下

七

不如貧賤子養親有愉色人子卽富貴還賴先人德
富貴不敬親顯揚復何益

汪輝祖著書表母

汪輝祖字煥曾蕭山人國朝乾隆閒進士也
幼失怙有孀母二俱青年守志輝祖痛念母
節未顯因采摭合郡節婦行略著表微錄一
書以揚之後宰湖南有政聲二子皆登科甲

君看汪輝祖有母是孤孀孤孀守節苦天地實悲傷
輝祖念阿母名節未昭彰舉筆爲記述記述事最詳

并及他人婦采訪徧窮鄉羅列成一書書內姓氏香
流傳至今日到處有芬芳人子苟孝親事事可顯揚
或幹親之壘或慰親之望或敦品於己以爲父母光
或種德於人父母亦有慶豈必求科名科名殊渺茫
顯揚隨處好只在好兒郎

繼述之孝第五

陸九齡弗改父道

陸九齡字子壽宋金谿人幼穎悟端重十歲
喪母哀毀如成人父名賀以學行爲里人所

勸孝編

卷下

三

宗嘗采司馬公冠婚喪祭諸儀行於家時學
者競尚黃老不事禮法九齡獨非之惟謹守
父訓及父沒與弟九淵互相師友其繼父志
益修禮法闔家百口男女以班各供其職閨
門之內嚴若朝廷而忠敬樂易鄉人化之皆
遜弟焉

金谿陸九齡相傳家法好當時世風靡家家尙黃老
治家循禮法惟有我皇考皇考雖已逝遺規慎其保
保守徹始終遵行偕大小兄弟有同心先志俱克紹

人不孝其親視親多藐藐一旦親沒後變更殊不少
豈知古孝子手澤以爲寶孔子亦有言無改其父道
孫承休克成父志

孫承休其父在日貧而好善嘗見一巖道坍
壞已久有心修築無力興工不得遂志抱歎
而卒承休謹誌弗敢忘旋由歲薦任廣文竭
一生宦資以完父志工既竣夢父謂曰汝修
築巖道非特善繼我志而方便功德甚大天
已賜汝三子俱登高第我亦因此得昇去矣

勸孝編

卷下

十三

後果簪纓接踵

先人未了事孝子最留意我觀孫承休其孝能善繼
承休父在日家貧而好義嘗見巖道壞行人多不利
滿擬欲重修惜哉力未逮鬱鬱歸九泉悠悠歷年歲
承休不敢忘一心念此地筮仕得廣文廣文有生計
積累幾春秋始成修築費險巇爲坦途往來稱嘉惠
嘉惠豈足多但求繼父志父志慰良深來告入夢寐
首言善願償次言善報至爲善非望報孝子自不置
君看孫氏後至今盛科第

處變之孝第六

王延光事後母

王延字延光晉西河人仕劉漢爲尚書左丞性至孝九歲喪母泣血三年每至忌日輒悲啼不止後母卜氏遇之無道恆以蒲穰及敗麻頭貯延衣其姑知而問之延知而不言事彌謹卜氏嘗盛冬思魚命延求而不獲杖之流血延緣汾水叩冰而哭忽有巨魚躍出取以進母於是母悟撫延如己出

勸孝編

卷下

十四

延光孝後母困苦與人殊後母待之薄待兒如家奴衣中何所有蒲穰敗麻頭見者暫借問問兒多寒不多寒自忍耐欲語還罷休但得母心歡違言兒心憂兒心雖盡孝母心常相尤聞說魚味美隆冬命兒求之不能得鞭撻無完膚是時汾水冰冰厚水不流孝子叩冰哭哀哀感陽侯有魚忽破冰一躍鱗尾修持奉後母前後母大歡娛愛魚并愛兒不復相疾讎困苦一時解令名千載留

朱壽昌尋出母

朱壽昌字康叔宋天長人母劉氏爲父妾被
嫡母妒而出之壽昌漸長行四方求之不置
飲食罕御酒肉言輒流涕力所可致無不爲
者嘗用浮屠法灼背燒頂刺血書佛經以祈
得母神宗朝與家人訣棄官入秦曰不見母
吾不返矣遂得之同州母年七十餘矣嫁党
氏有數子悉迎歸以養

君看朱家兒尋母孝亦奇母本爲父妾爲妾卑且微
嫡母妒令出出爲党氏妻孝子年漸長言之常涕洟

勸孝編

卷下

五

入官雖貴顯念母莫瞻依百計思求母所知無不爲
遂用佛氏法佛法在招提灼背良獨苦燒頂尤可悲
刺血寫經典字字含愴悽再拜祈空門但祈阿母歸
望歸母不歸棄官往尋之不見阿母面誓與家人睽
行行至同州相見還相持相持憐母老頭白已如絲
迎歸樂終養孝道誠無虧誰知寸草心得報三春暉

宗元卿孝祖母

宗元卿字希蔣南北南陽人幼失父母爲祖
母所養及長事祖母至孝祖母病元卿在外

輒心痛每大病則大痛小病則小痛以此爲常鄉里稱其孝號曰宗曾子

元卿南陽人鄉里所共欽號爲宗曾子聲稱到於今自幼失怙恃煢若桓山禽賴祖母鞠育劬苦亮難任元卿報祖母奉事竭悃忱一心惟盡孝歲月恐駸駸每覺心卒痛無端不自禁歸家省祖母乃知疾病侵病小輒小痛病危痛尤沈精感有如此洵比曾氏參君看古孝子孝道有推尋祖母自當孝乃是體親心何況我祖母鞠育恩復深

勸孝編

卷下

六

吉彥霄代父罪

吉彥字彥霄五代馮翊人梁武帝時父爲奸吏所誣罪當死彥年十五搥登聞鼓乞代父罪帝見其幼疑人所教勅廷尉卿盛陳徽纒備列官司厲色訊之彥曰囚雖蒙弱亦知死可畏憚顧諸弟惟囚爲長不忍見父極刑所以上千萬乘今欲殉身不測此非細故奈何受人教耶明詔聽代不異登仙豈有回貳廷尉具以聞帝乃宥其父罪丹陽令王志欲舉

扮純孝扮曰父辱子死道固當然若因父求
名何辱如之固拒而止

吉扮年十五手搥登聞鼓搥鼓將何爲乞代囚中父
天子忽有疑詔入廷尉部廷尉赫然臨謂此誰教汝
吉扮前致詞府君且息怒童子雖無知亦知畏刀斧
若因他人教雖教甯有補父旣犯極刑兒目不忍觀
但得代父死實如登仙府廷尉感其孝爲達此兒語
天子得聞之恩赦如甘雨阿父得聞之歡喜出囹圄
丹陽王令尹聞兒孝且苦純孝例有旌特章爲表舉

勸孝編

卷下

七

吉扮對令尹再三辭不許父辱子成名成名復何取
稽首謝皇恩一家已團聚

王景彥復父讎

王頌字景彥祁縣人父僧辨爲陳武帝所殺
頌誓報之隋開皇初獻取陳之策文帝召見
頌涕泣陳詞帝爲改容及大舉伐陳頌從韓
擒虎先登夜濟力戰被傷恐不堪復鬪悲感
嗚咽夜夢有人授以藥比瘡而創合時人以
爲孝感及陳滅有司錄其戰功將加柱國頌

曰得雪私怨願已足矣固辭之

王頌居父讎泣血枕戈矛戈未得用杖策見隋侯
慷慨復悲痛誓取讎人頭讎人在何所乃在古揚州
殺戮無罪土積怨如山邱王師申撻伐願効七尺軀
隋侯大稱許爲爾賦同仇同仇方偕作孝子爲前驅
百戰破百創嗚咽涕泗流夢神敷以藥垂死病全瘳
功成當受賞位高祿更優孝子辭不受不受分寸酬
父讎今已復此外非吾求掉臂杳然去高義高于秋

阮士宗出繼盡孝

勸孝編

卷下

六

阮孝緒字士宗五代尉氏人七歲出繼從伯
肩之爲嗣肩之母卒有遺財百餘萬孝緒一
無所納盡以歸其姑王晏之母聞者歎異之
事所繼母王氏至孝王氏病須葠合藥舊傳
鐘山出葠孝緒躬歷幽險忽一鹿前行隨至
得之嘗於鐘山聽講母忽有疾家人欲召之
母曰孝緒至性冥通行當自到果心驚而返
孝緒幼出繼繼爲從伯後祖母多遺財孝緒無所受
悉以歸其姑待姑一何厚所繼母王氏本是孀居婦

孀居恆憂勞鬱鬱病且久合藥須人葠人葠未易有
孝緒入鐘山尋覓徧岡阜有鹿忽前行髣髴爲導牖
得葠奉繼母繼母享高壽孝緒嘗在外心驚自歸走
繼母方疾作便得侍左右感通有如此至性良足取
今人重本生不孝繼父母豈知承祧兒禮法皆當守
母雖非本生有恩那可負我歌孝緒孝聞者當愧否

薛孟嘗被逐復還

薛包字孟嘗漢汝南人安帝時居母喪以至
孝聞父娶後妻而憎包分出之包日夜號泣

勸孝編

卷下

九

不忍去至被毆杖不得已廬於外旦入灑掃
父怒又逐之乃廬於里門晨昏不廢子職積
歲餘父母慚而還之及父母喪哀毀過禮旣
而諸弟求析產包不能止乃獨相讓奴婢引
其老者曰與我共事久若不能使也田廬取
荒頓者曰吾少時所治意所戀也器物取朽
敗者曰我素所服食身口所安也後諸弟數
破產輒復賑給

汝南薛孝子父聽後母言相憎弗相容逐之出里門

孝子日號泣依戀在親前躬自勤灑埽禮不廢晨昏
父怒加毆杖順受氣和溫積誠一歲餘父母亦相憐
謂言此兒孝供養知大恩往昔被驅遣今當復來還
孝子得聞之感泣涕漣漣上感父母德下接諸弟歡
父母有長逝孝子多悲酸悲酸幾滅性哀哀思黃泉
諸弟有分居孝子心拳然取瘠讓其肥始終爲顧全
宜家惟孝子其孝仁且賢格親惟孝子其孝苦且艱
世人怨父母佩此當勿讓

親睦之孝第七

勸孝編

卷下

三

田眞荆樹重榮

田眞漢時與弟慶廣共三人議分財產堂前
有紫荆一樹茂甚亦議破分爲三樹忽枯死
眞謂兩弟曰樹木同根聞將分析所以憔悴
是人不如木也因悲不自勝由是兄弟相感
復合愈加友愛荆樹重榮

田氏有紫荆堂前枯復榮枯榮爲何意乃爲弟與兄
兄弟共三人田眞最有名一朝思析產析產便相爭
爭及紫荆樹剖分議均平回頭看紫荆枯死無餘英

田眞見此異悲感不自勝舉言謂兩弟樹木且有情
何況我骨肉齟齬在門庭兩弟感兄言彼此求合并
合并復同爨友愛加眞誠卻看堂前樹仍更數鮮穠
惟孝友兄弟孝友當兼稱何爾不孝子兄弟莫相容

王覽取醜爭飲

王覽字元通晉臨沂人仕至大中大夫與兄
祥爲前母兄弟母朱氏遇祥凶虐覽年數歲
見祥被楚撻輒涕泣抱持至成童每諫其母
其母少止朱屢以非禮使祥覽輒與俱又虐

勸孝編

卷下

三

使祥妻覽妻亦趨而共之朱嘗醜祥覽知之
取醜爭飲母遽翻之自後母賜祥食覽輒先
嘗母懼覽致疑遂止後覽子孫鼎盛九代爲

公卿

王覽與王祥俱以孝友稱祥爲前母子覽乃後母生
後母待前子凶惡不可名祥自孝其母覽尤愛厥兄
見兄受鞭撻涕泣相扶將見兄任勞苦趨往與偕行
母意虐前子前子固可憎不圖膝下子每事輒相從
兄旣負聲譽母意尤難容賜之一杯酒置毒在其中

覽欲挾兒命又難違母情取酒爭先飲阿母始大驚
母意殺前子前子固無傷不圖膝下子亦幾與俱戕
由此得感悟感悟回心腸母亦無苛虐兄亦無憂惶
君看異母弟友愛殊彰彰何況爾同母慎勿有參商

周文燦受毆敬兒

周文燦宋時有兄嗜酒仰燦爲生嘗醉毆燦
鄰人爲之不平出而護燦燦怒對鄰人曰吾
兄非毆汝何得以此離閒吾骨肉聞者歎服
司馬溫公嘗書其事以戒人

勸孝編

卷下

三

宋有周文燦悌道亦可嘉其兄不自愛落魄無生涯
生涯無所託乃依文燦家嗜酒恆使氣賦性又浮誇
不念阿弟好毆辱便相加鄰人謂其兄汝弟本無差
有德反爲讎何乃太偏斜文燦得聞之怒色如飛霞
謂兄非毆汝汝與我兄譁骨肉本無閒何爲相瑜瑕
鄰人得聞之稱謝復咨嗟兄弟有如此父母實光華

陳世恩守戶悟弟

陳世恩明萬曆閒進士官工部給事兄弟三
人世恩其次也季弟好狎遊旦出夜歸以爲

常長兄孝廉常作色規正不悛世恩曰徒傷
愛無益也因每夜躬守戶外候之俟弟入乃
手自扇鑰問以寒煖飢飽如是數夕弟大悔
悟不復故態

前明萬歷開工部陳世恩敬兄尤愛弟情誼相與敦
其弟好狎遊歸必踰黃昏伯兄常訶責彼耳若不聞
世恩謂伯兄訶責徒諄諄吾當漸感化相愛致殷勤
殷勤候阿弟夜夜守家門夜久弟始歸相見無相瞋
婉曲問飢飽并及衣寒溫阿弟大悔悟翻然知自新
從此不復出歡聚樂天倫天倫苟善保卽是孝吾親
迫脅情易乖寬柔教自存得此處兄弟何復事紛紜

推暨之孝第八

范文正義田贍族

范仲淹字希文宋吳縣人仁宗朝官至宰相
仲淹既貴輕財好施尤厚族人因買良田數
千畝於姑蘇爲義莊族之貧乏者每人日給
米一升歲給布二疋至嫁娶喪葬亦皆有贍
給嘗謂諸子曰吾宗族甚眾於吾雖有親疎

勸孝編

卷下

三

然吾祖宗視之均是子孫固無親疎也祖宗
積德百餘年始發於吾若獨享富貴而不恤
宗族異日何以見祖宗於地下今亦何顏入
家廟乎

驅車過吳閭聞有范氏莊范公昔貴顯以此厚故鄉
故鄉何所厚其法美且良置田數千畝財帛何煌煌
族中貧乏子分給例有常日給米一升米以恤飢荒
歲給布二疋布以禦寒涼餘外若嫁娶并及葬與喪
亦皆有贍給各以免憂傷范公爲此舉其說更可詳
勸孝編

卷下

十四

謂我宗族多固自有低昂伏念我祖來一本義彰彰
我祖惟積德我身乃發祥我若薄宗族不以相扶將
他日見我祖地下有羞惶卽今入家廟何顏告烝嘗
范公爲此語其德尤滂洋奉先竭孝思舉族俾安康
人生苟富貴觀此慎勿忘

王漢臣移孝忠君

王章字漢臣明武進人少孤母訓之嚴章謹
遵無違嘗爲諸暨縣令方赴任祖帳歸稍晚
母訶跪子杖曰朝廷以百里寄酒人乎章伏

地不敢仰視親友爲力解乃已治諸暨有聲
甫半歲調知鄞縣諸暨民與鄞民爭挽章至
相譁治鄞益有聲累官御史崇禎末賊陷京
師章督兵力戰被執不屈罵賊而死謚忠烈
武進王漢臣其孝在忠正忠正以事君實維遵母命
嘗官浙江地奉敕將聽政宴飲歸稍遲阿母便示傲
訶跪復予杖怒氣一何盛孝子無所違在官勵德行
初宰諸暨縣後遷鄞縣令暨民以爲惜鄞民以爲慶
兩邑爭挽駕譁然至相競阿母得聞之漢樂府句欣喜亦
勸孝編

卷下

五

交併累遷御史官直言多諫諍奄至崇禎末兼得操
兵柄流賊陷京師天家且易姓孝子力戰死臨難節
逾勁地下見阿母慰藉良無竟忠孝雖二事實皆由
至性移孝能作忠千載起人敬

朱晦翁遵親事師

朱熹字元晦號晦翁宋婺源人自幼就傅受
孝經卽了其大義題其上曰不若是非人也
父名松喜性理之學嘗與胡憲劉勉之劉子
翬友善臨沒囑熹曰三人者學有淵源吾所

敬畏吾卽死汝往事之而惟其言之聽則吾死不恨矣熹遵遺命奉告三君子而受學焉又因延平李侗得河洛之學爲父所重亦遵親命不遠數百里徒步從之卒爲一代名儒

婺源朱晦翁宋代一儒宗擇師遵父命皆有理學風理學誠可貴名師難再逢籍溪有胡憲延平則李侗白水劉勉之屏山劉彥冲學術稱純正寥寥此數公朱子父在日一心最欽崇臨沒謂朱子汝當負笈從朱子奉遺命往列門牆中百里亦非遠終身致其恭勸孝編

世人不擇師往往相和同或導於匪僻或流爲頑凶豈知父母心望子德業隆事師而不賢何以淑吾躬

范堯夫麥舟濟友

卷下

美

范純仁字堯夫文正公次子也少時隨父居睢陽嘗往姑蘇搬麥五百斛歸次丹陽見石曼卿云三喪在淺土欲葬之北歸無可與謀者純仁以麥舟付之單騎到家父曰東吳見故舊乎曰見曼卿爲三喪未舉方留滯丹陽父曰何不以麥舟與之對曰已與之矣父喜

卓哉范堯夫青年志氣豪搬麥五百斛舟行自搖搖
行次丹陽縣忽與故人遭故人有三喪情勢正無聊
范子欲相助黃金不在腰遂舉麥舟贈所留無一毫
單騎歸見父問及平生交云遇石曼卿窮迫方替替
阿父心惻然南望故鄉遙謂言有麥舟何弗爲我拋
長跪啟阿父實如父所教阿父大歡喜舉言謂兒曹
兒曹體我心我心復何勞朋友貴信義由來非一朝
左思何況親故舊零落漸已凋孝子苟體親長當念
久要

勸孝編

卷下

七

雋不疑爲母恤囚

雋不疑字曼倩漢渤海人昭帝時爲京兆尹
吏民敬其威信每行縣錄囚徒還其母輒問
不疑有所平反活幾何人卽多所平反母喜
笑異他時或無所出母怒爲不食故不疑爲
吏嚴而不殘

人於民物間恆操生殺權是當推吾孝法外求生全
生全在民物可以延親年天理有如此生命亮當憐
惟昔雋不疑賢名至今傳在漢爲京兆威福可自專

每出錄囚徒歸必省母前母問囚徒事悱惻更纏絲
謂言多全活母心輒喜歡倘或無所活聞之殊艱然
爲兒殘生命對食不下咽不疑遵母訓治獄恆拳拳
卒爲仁恕吏至今稱其賢積善以養親親壽自長延
君看雋氏子及時當勉旃

侍疾之孝第九

任盡言深知母病

任盡言字元受宋時以孝聞母老多疾未嘗
離左右每言其母得病之由或以飲食或以

勸孝編

卷下

五

燥溼或以寒暑或以起止或以言語稍多或
以憂喜稍過皆朝夕候之臟腑虛實如見不
待切脈而後知也故投藥必效張魏公浚欲
君與辟之辭曰盡言方養親使得一神丹可以長
君壽年必持以奉母不以獻公也況能舍溫清而
與公軍事耶
親老恆多病尤貴善調理調理得其宜病自霍然已
君看任盡言乃是誠孝子體察老母病一一知終始
不言而有聽無形而能視或以飲食故或由寒暑起

或感於燥溼或傷於憂喜或言語稍多或勞於起止體察皆分明如覩臟腑裏以此投藥物神效遂無比爲母竭心力不願出而仕今人侍親疾誠孝那有此苛癢旣無關醫藥亦徒爾每令頭白親病臥莫倚侍試把任子看慚愧將何似

洪祥離室侍親

洪祥父病癘年餘躬侍醫藥夜未嘗解帶妻完顏氏貴家女也父念兒卽孝而婦或生嗔心終不安因謂祥曰吾病將愈汝姑就室留

勸孝編

卷下

无

一僕侍吾足矣祥陽諾而陰伏父寢旁父夜小起呼僕不寤力殆而仆忽一人扶掖之驚問曰汝爲誰對曰祥也遂相持泣曰兒孝至矣祥與妻終身盡孝

孝子有洪祥其父病且危奉事歷年餘夜不解衣裳有妻完顏氏云是貴家娘一旦爲新婦久久守空牀阿父謂孝子吾病日安康但留一僕在汝當歸妻房孝子曰諾諾陰伏父寢旁中夜父小起呼僕自彷徨力殆而仆地有人相扶將父問子爲誰乃云兒也祥

相持遂悲泣淚下百餘行舉言謂孝子兒孝異尋常
兒孝婦卽孝賢德還相當老人雖多病歡娛在高堂

庾黔婁嘗糞

庾黔婁字子貞五代新野人齊永元初爲虜
陵令到任未旬日父在家遭疾黔婁忽然心
驚舉身流汗卽日棄官歸家家人驚其忽至
時父病始三日醫云欲知差劇但嘗糞甜苦
父泄痢黔婁輒取嘗之味轉甜滑心憂甚至
夕每稽顙北辰求以身代父死

勸孝編

卷下

三

五代庾黔婁之官未旬日其父遠在家在家自遭疾
黔婁忽心驚舉身且汗出卽日棄官歸相關何切切
自從孝子來良醫皆入室父病患泄痢差劇未可必
醫云泄痢者味苦始爲吉孝子卽取嘗其味轉甜滑
刀圭亦無功孝子心憂恍稽顙北辰精誠良已竭
事親在病中豈能避垢蟻何爾世間人種種爲不屑
試觀庾孝子口嘗糞穢物嘗糞爲父病千古流芳潔

徐蘭石祈壽

徐蘭石江南人國朝乾隆間名下士也性篤

孝中年孺慕不衰其母病奉侍湯藥衣不解帶母病危涕泣無措計惟願減己年以益母壽乃刺指血寫疏焚於竈神求其上達母病頓痊而蘭石尋卒未幾其子頽舉於鄉聯捷榜眼官至少宗伯人始知蘭石之不永年天所以允其請而至性所感卽昌其後天所以報孝子也

脩短本前定冥漠云有司減己益親年情至自當爲周公有冊祝兄疾且如斯何況我父母病危旦夕時

勸孝編

卷下

三

卓哉徐蘭石孝思常不衰母老方邁病一一親扶持母病日已篤子心日已悲倉皇復涕泣情迫無所施刺血書一疏竈前焚禱之上言願天沒下言壽慈闈慈闈霍然愈孝子竟長離孝子有後人翩翩鸞鳳姿一舉得鄉科聯捷登雲梯官至少宗伯翼翼何巍巍天道誠幽遠監察審毫釐爲善無不昌觀此復奚疑沒後之孝第十

徐積居喪盡哀

徐積字仲車山陽人孝行出於天稟幼喪

父旦旦求之甚哀母使讀孝經輒淚落不能
止以父名石終身不用石器行過石則避弗
踐事母至孝朝夕冠帶定省母亡水漿不入
口者七日悲慟嘔血廬墓三年卧苦枕塊衰
經不去體雪夜伏墓側哭不絕音甘露歲降
兆域杏兩枝合爲榦旣終喪不徹几筵起居
饋獻如平日元祐初朝臣合薦表其孝行官
宣德郎卒諡節孝處士

人子居親喪當法徐仲車仲車父早沒煢煢六尺孤
勸孝編

卷下

三

父沒知慕思悲切淚沾襦事母尤至孝至孝名非虛
一旦遭母喪哭泣哀有餘七日不飲食三年無權愉
結廬處墓旁衰絰未嘗除雪夜繞母墓哀哭復歛獻
堂上設几筵每日供盃盂服滿旣終喪饋獻一如初
甘露爲之降杏成連理株天意有感格朝臣交口譽
至今八百年皆言孝子殊

朱百年終身抱憾

朱百年南北山陰人家貧母以冬月亡衣無
絮百年自此不衣絮帛嘗寒時就孔凱宿衣

悉袂布飲酒醉眠凱以卧具覆之百年不覺也既覺引卧具去體謂凱曰縣定奇溫因流涕悲慟凱亦爲之傷感

父母飾終時有禮固難僭棺槨與衣衾當使無遺憾君看朱百年家貧莫能贍母以冬月亡力竭爲殯殮母身衣無絮孝子心恆欠從此不絮帛爲母痛自懺身著單袂衣寒困良可念嘗宿友人家縣衾拒弗占友人潛覆之睡覺以爲忝泫然思亡母攬襟涕泗淹遺憾抱終身觀此當其鑑

勸孝編

卷下

三

何子平未葬白罰

何子平南北廬江人少有至行宋文帝時爲吳郡海虞令得祿惟以供母不及妻孥人疑其儉薄子平曰希祿本在養親不在爲己也母喪去官哀毀踰禮時東土饑荒繼以師旅八年不得營葬晝夜號哭常如初喪之日冬不衣絮夏不就涼日惟數合米爲粥以食不進鹽菜所居屋敗不蔽風日兄子欲爲葺理子平不許曰我情事未伸天地間一罪人耳

屋何宜覆蔡興宗爲會稽太守甚加矜獎爲
營冢壙

君看何子平一心孝母親母親沒未葬不敢安其身
晝夜常號哭煢煢多苦辛食亦不忍飽衣亦不忍溫
所居屋破敗兒子爲葺新子平辭不許謂我是罪人
無力營窀穸情事都未伸母棺方暴露我屋何須論
不然自娛樂忘卻高堂恩有錢私妻子無地安親魂
殯宮受風雨緯帳積灰塵日久防不測罪戾實相因
君看何子平數語可書紳

勸孝編

卷下

語

丁蘭刻木事親

丁蘭漢河內人幼喪母未得奉養長而念劬
勞之恩刻木爲像事之如生鄰人張叔問蘭
妻假物蘭妻問於木像不許張叔醉詈木
像以杖擊其首蘭歸見母像色若有不懌詢
之妻具以告卽奮擊張叔後其妻久而不敬
以鍼戲刺其指血出木像兒蘭眼中垂淚因
詢得其情卽將妻棄之

丁蘭幼喪母未得盡奉養追念劬勞恩刻木爲母像

事死如事生一一致孝享鄰人有張叔其人狂且蕩
因事來問琰謾罵復舉杖孝子歸見母面色殊怏怏
推詢爲報復奮怒何慨慷其妻習已久漸生戲侮想
以鍼刺其指血流似痛痒孝子歸見母眼中淚漉漉
爲母黜其妻黜妻亦非枉人於親在日邈焉弗依仰
丁蘭母旣沒孝事通脗蠻將孝比不孝奚翅天與壤

林承美陰德報親

林承美福建人父沒而思慕涕泣不止遇一
禪師告之曰孝子思親徒悲無益惟篤行陰

勸孝編

卷下

三

德乃可報親自今而後諸惡莫作眾善奉行
卽是大孝承美省悟立誓行善久久弗怠惟
圖貽親令名歷數年夢父謂曰汝爲我行善
我與爾母皆得超昇汝亦有厚福後承美壽
九十六歲子孫科第冠閩中

昔有林承美父沒常悲思無端遇老僧相勸勿徒悲
盡思良有以徒悲復何爲會許積陰德報親當在茲
承美謹領教歡喜樂奉持誠心誓行善久久弗爲疲
忽夢見其父謂是真孝兒德已妥先靈福又庇孫支

信如老僧言猶有報親時

垂裕之孝第十一

萬石君家教

石奮漢河內人景帝時爲九卿無文學而恭謹莫與比家教不言而躬行其執親喪哀戚甚子孫遵教亦如之雖齊魯諸儒質行皆自以爲不及子孫勝冠在側者雖燕居必冠申申如也及仕於朝雖爲小吏每歸謁必朝服見之不名至有過失不譙讓爲便坐對案不

勸孝編

卷下

美

食然後諸子相責因長老肉袒謝罪改之乃許後其子四人皆以馴行孝謹官至二千石景帝號奮爲萬石君

石奮河內人號稱萬石君質行無文學尤善教子孫子孫遵其教皆以孝謹聞在側必冠帶其容舒且溫及長仕於朝來歸謁寢門相見必朝服以示君命尊一旦聞有過便坐無一言對案爲不食神情殊艱然其子乃悔悟痛自責其身肉袒請改過怒解斯欣欣家教有如此足以裕後昆家聲自此振尤足榮先人

漢儒稱其孝至今吾亦云

竇燕山積善

竇禹鈞號燕山五代漁陽人仕周爲諫議大夫年三十乏嗣夢祖父謂曰汝無子又不壽當修德以回造化禹鈞性素好善自此彌篤計每歲所入除伏臘供給外餘皆濟人凡親族貧不能嫁娶者完聚二十八人有喪不能舉者代葬二十七喪又於宅南建義塾四十楹聚書數千卷延名儒爲師就學之士貧無

勸孝編

卷下

七

供者皆衣食之餘善不勝枚舉旣而復夢祖父曰汝陰德浩大名登天府延壽三紀當有五子顯榮後生子長曰儀官禮部尙書次儼禮部侍郎三侃左補闕四僈參知政事五僈起居郎壽八十三歲談笑而逝

家有千萬金不如子孫賢人有千萬孝不如本心全本心積至善昌後亦光先昔者竇禹鈞生僅三十年祖父忽示夢示夢非徒然謂言無子嗣命短亦可憐及今宜修德能格冥冥天竇公謹遵教節縮有餘錢

餘錢以濟貧思心常拳拳嫁娶爲伉助怨曠慶團圓
有喪則代葬銜感在九泉宅南建大屋棟宇何翩翩
縱橫四十楹聚書數千編延師爲義塾貧寒有周旋
四方就學士往來相比肩學者多成名前後相接聯
君看竇禹鈞爲聽祖父言壽享八十餘五子俱顯官
積善縱無報各宜培心田有財不積善空自付雲煙

鄧仲華諸子有業

鄧禹字仲華漢新野人光武時爲將常注念
蒼生不妄殺人以功封高密侯篤行純備事

勸孝編

卷下

三

母至孝家雖貴盛而修整閨門教養子孫皆
可爲法有子十三人各使守一藝未嘗縱於
逸樂後其諸子俱有樹立家聲勿替

多男云多懼所懼在無業君看驕寵兒終老鮮成立
上壤祖父風下開荒淫習所以孝子心閑家以爲急
東漢有鄧禹遺規良可法仕宦至將相家門正晷晷
約束旣謹嚴修整及閨閣有子十三人才藝各有執
不使逸其身浮華俱斂戢豈伊無富貴謀生如不及
惟念安樂中往往多窮乏無業轉眼窮有業終身給

劉居正一子無縱

劉居正宋東光人止一子名摯居正躬親教之約束甚嚴或謂之曰君止一子獨不加恤

耶居正曰正以一子不可縱也後摯於神宗

朝官御史累遷尚書僕射忠直著於朝廷為

宋名臣

北宋劉居正年老止一子教督有嚴威衣食無華侈言則戒其邪動則範以禮旁人謂居止君止一子耳一子亮可愛君當念宗祀豈知愛勿勞貽患更無底

勸孝編

卷下

三

煦煦禽犢心那識聖賢理溺愛誤兒童敗類由茲起況以一子故約束尤難已無何此子長入官為御史忠直著朝廷名譽播遐邇多謝後世人漢樂府愛子當如此

婦孺之孝第十二

黃香扇枕溫被

黃香字文強漢江夏人安帝時年九歲失母

思慕憔悴事父盡孝躬執勤苦夏月為父扇

涼枕席冬則以身溫被鄉人皆稱其孝太守

劉護表而異之帝聞詔詣東觀讀書又召詣
安福殿言政事官至尚書令

黃香幼喪母哀泣泗零念母不得見有父常歡承
夏月扇枕席涼風時泠泠冬宵溫父被暖氣復烝烝
不恤身勞苦但願父安甯里人見其孝相與交口稱
郡守嘉其孝表爲世俗型天子聞其孝詔書前後徵
人生亦何常所貴惟德馨老萊年七十黃香乃九齡
九齡便稱孝當與兒童聽

陸績懷橘遺母

勸孝編

卷下

罕

陸績字公紀三國吳郡人年六歲於九江見
袁術術出橘待績績懷三枚及歸拜辭橘墮
地術曰陸郎作賓客而懷橘乎績跪答曰吾
母性之所愛欲歸以遺母術大奇之

陸績六歲童九江客袁公袁公出香橘灼灼鮮且紅
童子念阿母嗜好良可供遂取三兩枚自納懷袖中
日夕當告歸再拜主人翁纍纍橘墮地主人有笑容
陸郎作賓客胡爲攘匿工童子謹持謝言詞復雍雍
歸將遺吾母嗜好故所鍾主人聞此語肅然起敬恭

不圖六歲童有古純孝風

唐氏乳姑不怠

唐氏者唐崔山南祖母也其姑長孫氏年高無齒唐氏每日櫛沐升堂乳其姑姑不粒食數年而康一日病篤少長咸集臨沒謂唐氏曰無以報新婦冀新婦子孫皆得如婦孝

唐氏崔家婦賢德良可教有姑長孫氏齒落年已耄口惟啜人乳兼出中心好唐氏乳其姑怡怡承歡笑其姑不粒食歲久澤形貌臨沒集家人病中有慰勞

勸孝編

卷下

聖

舉言謂新婦漢樂府句德厚無以報惟願爾子孫皆得如爾孝

晉錢氏遇疫不避

錢氏者國朝順治閒晉陵顧成媳也甲午三月瘟疫盛行轉相傳染甚至親戚不敢過門時錢氏歸甯母家而夫家入口俱染疫錢氏聞之急欲趨視父母力阻錢氏曰夫之娶妻原爲翁姑病痛生死大事今病疫垂危忍心避之何異禽獸我必往及至門聞鬼語云諸

神護孝婦來矣當速避於是病者悉愈

男兒孝父母女子孝翁姑非無父母恩女嫁則從夫
晉陵有孝婦乃是錢氏姝既嫁復歸甯迢迢隔長途
順治甲午春疫氣盛毒痛民間爭避疫病者莫相扶
婦聞翁姑病漸染入口俱恨無歸飛翼雲山卽刻踰
耶孃戒勿往謂此吁可虞同室且遠引汝往獨何辜
親心自仁愛婦心自難渝身已屬夫家彼病方號呼
惜己忍避之娶婦不如無別親浩然往誠至神靈孚
入門氣如虹登堂冉冉趨鬼物語啁啾似礮壘與茶
勸孝編

卷下

望

孝婦不避疫疫者先後蘇

鄭徐二難

鄭氏宋張孟仁妻也孟仁弟曰孟義妻徐氏

徐母家富鄭貧徐不驕鄭不諂其居一室紡

績寸絲不入私房家有遺送必納翁姑處欲

用則請之不問孰爲己物鄭歸甯徐乳其子

徐歸甯鄭亦如之不問孰爲己子子亦不知

孰爲己母家貓爲人竊去犬吠其兒人皆謂

和氣所感太宗聞而嘉之特旨表其門曰二

難以為妯娌師法

君看張家婦當為妯娌師大婦曰鄭氏自幼貧苦飢
小婦徐氏女母家富財資貧富各相忘同居無猜疑
事不分爾我情不見差池十指有紡績兩家有餽貽
並納翁姑處分毫不敢私大婦方歸甯小婦哺其兒
小婦歸甯日大婦亦如斯家貓失其母有犬腓字之
和氣溢門庭物性皆怡怡遠邇俱稱述眾口如一詞
朝廷聞此婦恩詔出丹墀表之曰二難賢名至今垂

侯氏全節

勸孝編

卷下

聖

侯氏南豐人宋謝泌妻也事姑孝謹遇盜賊
起焚里舍殺人遠近逃避姑疾篤不能去氏
號泣姑側賊逼之氏曰甯死不從賊刃之仆
溝中賊退漸蘇後夫與姑俱亡子幼父母欲
更嫁之氏曰兒以賤婦人得歸隱居賢者之
門已幸矣忍去而使謝氏無後乎甯貧以撫
其孤雖餓死亦命也卒以全節顯

由來節與孝兩字恆相連君看侯氏孝奉養實無愆
由來節與烈兩字本難全君看侯氏烈慍慍志何堅

公善堂同人姓氏 以齒爲序

駱福堂 少庵

朱振常 秋波

沈鳴謙 佩安

徐渭璜 鼎臣

袁秉忱 延薪

徐蔭棠 梅峰

郭心虞 子欽

鄒銘恭 月槎

勸孝編 同人姓氏

袁秉常 靜峰

郭燮亮 心月

趙奎炤 星垣

趙贊勳 秀珊

傅進良 月波

类别 **初考编**
编号 **2679**
册数 **1**
售价 ~~0.20~~ **0.20**

